


佛說太子沐魄經
佛說九色鹿經
佛說睽子經

百五十八
散九

48367



元祿九年丙子二月日重脩

皇圖聖帝潛銀昌

佛日增輝 懺輪常轉

山城州天安寺法金剛院置



三經同卷

九

敢

佛說太子沐魄經

佛說九色鹿經

佛說睽子經

佛說太子沐魄經

西晉三藏法師竺法護譯

聞如是一時佛在舍衛國祇樹給孤獨園佛告諸弟子昔者有王王名波羅奈王有一太子字名沐魄生有無窮之明端正好潔無有雙比父母奇之供養瞻視須其長大當為立字然太子結舌不語十有三歲恬惓質朴志



若死灰直若枯木目不視色耳不聽音狀類瘖瘂龍耳音之人於是父母患而苦之王語夫人當奈之何此子將為他國所笑夫人語王當召相師相之知當語不王即召婆羅門師使相太子婆羅門言此子非是世間人為是熒惑耳外為端正內懷不祥危國滅宗將至不久不可畜養宜當生埋誅而殺之今不除此子則絕國嗣王語夫人當如之何今不除之以往恐後無復立子於是夫人隨王所為王即召國中大臣共議之一曰言當遠徙深山無人之處一曰言當沒深水中一曰言但當隨師所語掘作深坑而生埋之王即隨是

一日所語即召外陣兵二千人使掘地作藏
給三十歲資糧侍以五僕太子衣被瓔珞寶
蓋盡還太子於是夫人心用傷絕我獨無相
生子薄命及值此殃事不得止涕淚哽咽不
能自勝於是復送太子著正殿前五百夫人
見太子端正姝好無有雙比皆言太子何以
不語而當生理五百姝女見太子端正姝好
皆爲太子作禮而言太子何以不語而當生
埋各各爲太子作唱伎樂太子嘿然不觀不
聽於是直送太子著外殿前五百大臣見太
子端正姝好無有雙比前白大王太子非是
不語人且小宿留語在不久婆羅門師不可

審信王語大臣此是國事非卿所知作箴以
訖來迎太子王語其僕使太子載四望象車
今國中人民就觀太子儻語若其語者更載
來還於是太子昇車尋路國中者舊大臣皆
宛轉車前而言太子要當一語若不語者便
以車輾我上過遮蚤虎賁扶避使過遂將太
子到其箴所時有數千人皆送太子往到
箴所皆塞箴戶太子復不得前遮蚤虎賁麾
人使却太子適欲前飛鳥走獸復來遶箴三
而復塞箴戶太子復不得前於是舉右手住
而言我正欲不語而當生埋我適欲語恐入
地獄我所以不語者欲安身避害濟神離苦

是以不語而信狂詐之言謂我龍聾盲爲實瘖
瘖是時人民聞太子已語有絕妙之聲世所
希聞行者爲止坐者爲起皆言太子神聖乃
亦皆前叩頭求恩悔過原赦我罪其僕聞之
歡喜踊躍馳白大王太子已語上徹蒼天下
徹黃泉飛鳥走獸皆來伏聽於太子前王聞
太子語歡喜踊躍即與夫人乘四望象車往
迎太子太子願見父王下車避道四拜而起
而言勞屈父王遠來見迎今日父子生相棄
捐恩愛已乖骨肉以離其義甚憊不可聽觀
王語太子吾無智慧信任邪師忽致於此吾
之愚癡其過深矣汝爲智者當原不及其還

入國舉位與汝我自避退太子荅言我已曾
爲國王用行有缺漏故下入地獄六萬餘歲
蒸煮剝裂其痛難忍當此之時父母寧能知
我地獄苦痛劇不寧能分取我身上痛不我
厭地獄苦是以結舌不語十有三歲冀得免
瑕除去汗穢出於垢塵之外不與罪會除憂
去累念生若寄不可撰濡去道日遠高翔遠
逝自濟於世世間無常恍忽如夢室家歡喜
須臾間耳歡樂暫有憂苦延長王知太子意
堅志固遂聽學道於是太子棄國捐王入山
求道思惟禪定壽終即生第四兜率天上畢
天之壽下生世間爲迦維羅衛王作太子自

致作佛佛告阿難是時太子休魄者我身是也時父王者今闕頭檀是時母者今摩耶是時侍我五僕者今阿若拘隣等是是時婆羅門欲生理我者今調達是也我與調達世世有怨佛說經已諸弟子天龍鬼神帝王人民皆大歡喜爲佛作禮

佛說太子休魄經

佛說九色鹿經

吳月支優婆塞支謙譯

佛言昔者菩薩身為九色鹿其毛九種色其

角白如雪常在恒水邊飲食水草常與一鳥
爲知識時水中有溺人隨流來下或出或沒
得著樹木仰頭呼天山神樹神諸天龍神何
不愍傷我也鹿聞人喚聲即走往水邊語溺
人言汝可勿怖汝可騎我背捉我角我相負
出上岸鹿大疲極溺人下地遶鹿三匝向鹿
叩頭乞爲大家作奴給其使令採取水草鹿
言不用卿也且各自去欲報恩者莫得道我
在此間人貪我皮角必來殺我於是溺者受
教而去

余時國王夫人夜夢見九色鹿意欲得其皮
角即託病不起王問夫人言何以不起夫人

荅言昨夜夢見非常鹿其毛九種色其角白如雪我思得其皮作衣裘其角作拂柄王當爲我得之王若不得我當死矣王告夫人汝爲且起我作一國王何所不得王即便募於國中若有能得九色鹿者當與分國治賜其金鉢盛滿銀粟賜其銀鉢盛滿金粟溺人聞王募重心生惡念我說此鹿可得富貴鹿是畜生死活何在便語募人言我知有九色鹿處募人便將至王所言此人知有九色鹿王聞大歡喜王言汝得其皮角來報之半國於是溺人面上即生癩瘡溺人言此鹿雖是畜生大有威神王宜多將人兵乃可得耳王即

大出人兵往恒水邊鳥在樹上遙見王人衆
來疑當殺鹿即呼鹿言且起王來取汝鹿故
熟卧不覺鳥復言知識且起王將兵至鹿故
復不覺鳥便下樹居其頭上啄其耳知識且
起王兵圍汝數重鹿方驚起四顧望視無復
走地便往趣王車邊傍人引弓欲射之王告
莫射此鹿此鹿非常將是天神耶鹿即言莫
射殺我假我須臾我有恩於國王問有何恩
我曾活王國中一人即長跪重問王誰道我
在此王言車邊癩面人也鹿舉頭看此人眼
中淚出不能自勝大王此人本溺在水中隨
流來下或出或沒得著樹木仰頭呼天山神

樹神諾天龍神何不愍傷我我時不惜身命
自投水中負此人出本要誓不相道人無反
覆不如水中浮木也王聞鹿言有慙愧色我
民無義王即三教其民奈何奈何受恩反欲
殺之王即放鹿使去下國中若有駭逐此鹿
者當誅汝五屬於是王便還宮鹿歸故處是
時國中衆鹿皆來依附數千爲群永不見害
共飲食水草不犯人菜穀從是之後風雨以
時五穀豐熟民無疾病其時太平畢命化去
佛告諸弟子菩薩所行雖處畜生不捨於慈
人獸並度是時夫人者酸醜利是也是時烏
者阿難是也是溺人者調達是也是時鹿者我

身是也調達與我世世有怨阿難有至意得
道菩薩更勤苦行屢波羅蜜忍辱如是

佛說九色鹿經



佛說睽子經

之伏秦三藏法師釋聖堅譯

聞如是一時佛在毗羅勒國與千二百五十比丘及衆菩薩國王大臣長者居士清信士女不可稱計一時來會佛告諸比丘皆處定意聽我前世初得菩薩道時戒行普具精進一心修集智慧行於善權功德累積不可稱

記諸天龍鬼神帝王人民無能行者阿難聞
佛言更正衣服長跪叉手白佛言願欲所聞
佛告阿難乃往過去無數世時有菩薩名曰
一切妙行慈仁惠施救濟群生常行四等度
世危難育養苦人時兜率天上教授天人常
以晝夜各三時定意思惟三昧照觀十方天
下人民善惡之道知有孝順父母奉事三尊
恭順師長修諸功德者常以天眼遍觀五道
時有迦夷國中有一長者孤無兒子夫婦兩
目皆盲目心願入山求無上法修清淨志信樂
空閑菩薩念言此人發意所學微妙而兩目
皆盲目無所覩若入山中或墮溝坑或逢毒

垂所見枉害若我壽終爲其作子供養父母
終期年壽於是菩薩壽盡即下生爲音父母
作子父母歡喜甚愛重之本發大意欲行入
山以生子故便樂留世間子年十歲号曰睽
子至孝仁慈奉行十善不殺不盜不姪不欺
不飲酒不妄言不綺語不嫉妬不呪咀信道
不疑晝夜精進奉事父母如人事天言常含
笑不傷人意行則應法不望傾邪父母喜悅
無復憂愁至年過十歲睽自長跪白父母言
本發大意欲入深山志求空寂無上之真豈
以子故而絕本願人居世間無常百變命非
金石對至無期願如本意宜及上時入山清

淨我自尋隨與父母供養不失時節父母報
言子之孝睽子順天自知之不違本誓便共
入山睽即以家中所有之物皆施國中諸貧
窮者便與父母俱共入山睽至山中以蒲草
為父母作屋施作牀褥不寒不熱恒得時宜
適入山中一年衆果豐茂食之香甜泉水湧
出清而且涼池中蓮華五色精明梅檀雜香
樹木豐茂香倍於常風雨時節不寒不熱樹
葉相接以障雨露廕覆日光其下常涼飛鳥
翔集竒妙異類皆作音樂之聲以娛樂盲父
母師子熊羆虎狼毒獸皆自慈心相向無復
相害之意皆食敢草果無恐懼之心麀鹿熊

羆雜類之獸皆來附近與睽音聲相和皆作
娛樂之音睽至孝慈心履地常恐地痛天神
山神皆作人形晝夜慰勞三道人一心定意
無復憂愁睽常與父母取百種果蔬以飼父
母恒有盈餘渴飲泉水無所乏短父母時渴
欲飲睽著鹿皮之衣提瓶行取水麋鹿衆鳥
亦復往飲水不相畏難時有迦夷國王入山
射獵王遙見水邊有麋鹿引弓射鹿箭誤中
睽胷睽被毒箭舉身皆痛便大呼言誰持一
毒箭射殺三道人者王聞人聲即便下馬往
到睽前睽謂王言象坐牙死犀坐其角翠爲
毛故麋鹿爲皮肉故今我無角無牙無毛皮

肉不可噉我今坐何等罪死耶王問睽言卿
是何等人被鹿皮衣與禽獸無異睽言我是
王國中入與盲父母俱來入山中學道二十餘
年未曾爲虎狼毒虫所見害今便爲王所見
射殺登尔之時山中大風暴起吹折樹木百
鳥悲鳴師子熊羆走獸之輩皆號呼動一山
中日無精光流泉爲竭衆華萎死雷電動地
時盲父母驚起自相謂言睽行取水經久不
還將無爲虎狼毒虫所害禽獸飛鳥音聲號
呼不如常時風起四面樹木摧折必有灾異
王時怖懾大自悔責我所作無狀我本射鹿
箭誤相中耳射殺道人其罪甚重坐貪小肉

重受其殃我今以一國珍寶庫藏之物宮殿
伎女丘郭城邑以救子命時王便前以手挽
拔睽曾箭箭深不可得出飛鳥走獸四面雲
集號呼動一山中王益惶怖三百六十節節
節皆動睽語王言非王之過自我宿罪所致
我不惜身命但憐念我盲父母年旣衰老兩
目無所見一旦無我亦當終歿無所依仰以
是之故用自懊惱酷毒耳登尔之時諸天龍
神山神水神樹神皆爲肅動王復重言我寧
入泥黎中百劫受罪使睽身活長跪向睽悔
過言若子命終我當不復還國便任山中供
養卿父母如卿在時勿以爲念諸天龍神皆

當證知不負此誓。睽聞王此誓言，雖被毒箭，心喜意悅，雖死不恨。以我盲父母累王供養，道人現世罪滅，得福無量。王言：卿語我父母，處及子未死，語我知之。睽即指示語，從此步徑去，是不遠。自當見一草屋，我父母在其中，止王徐徐往，勿令我父母怖懼。以善權方便，解語其意，爲我上謝父母無常。今至當就後世，不惜我命，但念父母年老，兩目復盲。一旦無我無所依仰，以此懊惱自酷，毒耳死自常分。宿罪所致，無有得脫者。今自懺悔於父母，從無數劫已來，所行衆惡於此罪滅，福生願我與父母世世相值，不相遠離。願父母終保

年壽勿有憂患天龍鬼神常隨護助灾害消
滅所欲應意無爲自然王便將數人徑詣父
母所王去之後睽便奄然而死飛鳥禽獸皆
大號哭繞睽屍上以舌舐睽身血盲父母聞
此音聲益怖彷徨而住王行馳駛觸動草木
肅肅有人聲父母驚言此是何人非我子行
王言我是迦夷國王聞道人在山中學道故
來供養道人父母言大王來大善勞屈威尊
遠臨草野王體中安隱不宮殿夫人太子官
屬人民皆安善不風雨和調五穀豐足不隣
國不相侵害不王荅道人言蒙道人恩皆自
平安王問訊盲父母來在山中勞心勤苦樹

木之間飛鳥走獸無有侵害道人者不在山中寒暑隨時現世安隱不盲父母言蒙大王厚恩常自安隱我有孝子名睽常為我取百種果菰泉水恒自豐饒山中風雨和調無所乏短我有草牀可坐果菰可食睽行取水且欲來還王聞盲父母言又大傷心淚出而言我罪惡無狀入山射獵見水邊有群鹿引弓射之箭誤中道人子睽身被毒箭甚痛故來語二道人父母聞之舉身自撲如太山崩地為震動王便扶牽父母仰天號哭自訴言我子睽天下至孝仁慈無有過者踐地常恐地痛今有何罪而王射殺之向者大風卒起吹

折樹木百鳥悲鳴號哭動一山中我在山中
二十餘年未曾有此災異疑我子取水經久
不還必當有故諸神皆驚肅肅而動母啼號
不可復止父言且止人生無有不死無常自
然不可得却且問王言睽為射何許今為死
活王具以睽口中所言向盲父母說之聞王
此言又大感絕我一旦無子俱亦當死願王
牽我二人往臨睽屍上王即牽盲父母往到
屍上父抱其脚母抱其頭著膝上各以一手
摸捫其脅箭仰天大喚言諸天及龍神山神
樹神水神我子仁慈至孝諸神所知何能不
一哀我子是善子母便以舌舐睽脅瘡願毒

入我口我年已老目無所見以身代子命睽
活我死死不恨也於是盲父母言若睽有至
誠至孝者天地所知箭當拔出毒痛當除睽
更當生於是第二忉利天王釋座即為大動
以天眼見二道人抱子號哭乃聞第四兜術
天諸天宮龍宮皆儼儼而為動釋梵四天王
即從第四天上來如人伸臂頃來下住睽前
以神藥灌睽口中藥入睽口箭自拔出便活
如故父母驚喜見睽已死更活兩目皆開飛
鳥禽獸皆作歡樂之音風息雲消日為重光
泉水涌出衆華五色樹木色榮倍於常時王
大歡喜不能自勝禮天帝釋還禮父母及子

睽願我國財以上道人身自留任供養現世
罪滅宿怨得除睽荅王言欲報恩者王且還
國安慰國人皆令奉持五戒王勿復射獵犬
傷虫獸現世身不安隱壽盡當入泥犁中人
居世間恩愛暫有別離久長不得常在王宿
有功德今得為王莫以得自在故而自放恣
於時國王大白悔責自今已後當如睽教勅
不敢有廢諸隨王射獵者數百人見睽已死
神人持藥來下入口即活父母眼開皆踊躍
發意奉持五戒終身不犯王還國中宣令國
中諸有貧窮盲父母如睽比者皆當供養不
得捐捨犯者令有重罪於是國中人民以睽

活故上下相教奉修五戒修行十善死得昇
天無入三惡道者佛告阿難諸來會者宿命
睽身我身是也時盲父者今現父王闍頭檀
是也時母母者今現我母王夫人摩耶是也
迦夷國王者阿難是也時天帝釋者弥勒是
也使我疾成無上正真之道汝皆是我父母
育養慈恩從死得生感動天龍鬼神父母恩
德重孝子所致今得爲佛并度國人皆由孝
順之德佛告阿難汝廣爲一切人民說之人
有父母不可不孝道不可不學濟神離苦後
得無爲皆由慈孝學道所致佛說經已諸菩
薩比丘比丘尼優婆塞優婆夷國王大臣人

民長者居士莫不加敬稽首佛足作禮而去

菩薩睽子經

太子沐魄經

瘖痾

瘖痾上一音阿今反下於雅反宿留上音秀下力

待車輓

下反且遮蚤下音禮虎賁上或作

也土塵

呼為濕濡上蘇困反慕下而經朱反諸經皆

詳經古似急疾意即不
知譯師玄旨以何為義

九色鹿經

咏其上卓

字酸蘇旨

菩薩睽子經

睽

失染熊羆上音雄下音碑二

飼

寺音麋音鹿


犀

音號呼上戶高反

菱鳥為反

濩

其音渠依



反音 駛 仰
 埤義 二 吏 聲 下
 蒼去 音 使 去
 云正 訴 挽 拔
 山作 系音 晚 上
 高磔 捫 摸 音
 貞五 音 上 舐 音
 也合 音 門 只 反
 手 下 反 衍 得 反
 無忙 胡 下
 摩也 反 下
 一音 音
 儼 皇 傍 平
 儼 儼 平

